



Број/ Broj: 02/2-50-8-23-3/11
Сарајево/Sarajevo, 26.7.2011.

Na osnovu člana 35. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 91/06 i 91/07), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1.1.2010. do 31.12.2010.)

I. OPĆE ODREDBE O KOMISIJI

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, kroz provođenje općih opredjeljenja određenih Ustavom BiH i Dejtonskim mirovnim sporazumom, te politikom koju je utvrdilo Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 27. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;

- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

Kako je predviđeno Odjeljkom D. (Opće odredbe o komisijama), članom 31. stav (1) Poslovnika Doma naroda Parlamentarne skupštine BiH: “Komisija nema više od šest članova. Preraspodjela mjesta mora biti srazmjerna klubovima naroda u Domu, od kojih su dvije trećine članova izabrane s teritorije Federacije BiH, a jedna trećina s teritorije Republike Srpske.”

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda tokom 2010. godine bili su: Alma Čolo, predsjedavajuća Komisije, Božo Ljubić, prvi zamjenik predsjedavajuće, Dušanka Majkić, druga zamjenica predsjedavajuće Komisije, Adem Ibrahimpašić, Branko Zrno i Slobodan Šaraba.

Sjednicu Komisije saziva predsjedavajuća Komisije, u skladu s članom 38. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajuća Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, s osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagачima i članovima Komisije da iskažu svoje mišljenje, stav ili postavе pitanje u vezi s materijalom o kojem se raspravlja.

U svome radu Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH imala je priliku saradivati s Komisijom za vanjske poslove, Komisijom za vanjsku trgovinu i carine i Komisijom za saobraćaj i komunikacije Predstavničkog doma Parlamentarne skupštine BiH i Vijećem ministara BiH, odnosno ministarstvima na državnom nivou. Međutim, potrebno je naglasiti i činjenicu da ministarstva nisu uvijek blagovremeno ispunjavala svoje obaveze i dužnosti, što se najbolje vidi iz njihovog praćenja sjednica Komisije za vanjsku i trgovinsku politiku, carine, saobraćaj i komunikacije, te pružanja adekvatnih odgovora i dostavljanja traženih informacija.

Komisija je u izvještajnom periodu održala deset sjednica:

- 37. sjednica 18.1. 11 tačaka dnevnog reda
- 38. sjednica 11.2. 21 tačka dnevnog reda
- 39. sjednica 17.3. 17 tačaka dnevnog reda
- 40. sjednica 30.3. 16 tačaka dnevnog reda
- 41. sjednica 10.5. 19 tačaka dnevnog reda
- 42. sjednica 23.6. 18 tačaka dnevnog reda
- 43. sjednica 12.7. 9 tačaka dnevnog reda
- 44. sjednica 27.7. 13 tačaka dnevnog reda
- 45. sjednica 29.7. 4 tačke dnevnog reda
- 46. sjednica 30.8. 9 tačaka dnevnog reda

Treba napomenuti da Komisija nakon 46. sjednice, održane 30.8.2010., nije više održavala sjednice. U toku predizborne kampanje, te nakon održavanja oktobarskih izbora Dom naroda Parlamentarne skupštine BiH nije zasjedao, tako da nije bilo potrebe ni za održavanjem sjednica Komisije.

Na redovnim sjednicama Komisije razmatrano je ukupno 137 tačaka dnevnog reda, što je u prosjeku 13 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su članovima 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su dva državna službenika: sekretar Komisije (Nenad Pandurević) i stručni saradnik (Dobrinka Savić).

II. AKTIVNOSTI KOMISIJE

1. Prijedlozi zakona

U izvještajnom periodu na prijedloge zakona odnosile su se 22 tačke dnevnog reda, gdje je razmatrano ukupno 12 prijedloga zakona. Njih deset razmatrano je i u prvom i u drugom čitanju, a jedan samo u drugom čitanju, te je nakon toga svih 11 prijedloga zakona usvojeno u Domu naroda:

1. Prijedlog zakona o duhanu BiH (druga komisijska faza), predlagač: Vijeće ministara BiH;
2. Prijedlog zakona o izmjenama i dopunama Zakona o carinskoj tarifi Bosne i Hercegovine (prva i druga komisijska faza), predlagač: Vijeće ministara BiH;
3. Prijedlog zakona o zaštiti novih sorti bilja u Bosni i Hercegovini (prva i druga komisijska faza), predlagač: Vijeće ministara BiH;
4. Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini (prva i druga komisijska faza), predlagač: Vijeće ministara BiH;
5. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (prva i druga komisijska faza), predlagač: Vijeće ministara BiH;
6. Prijedlog zakona o izmjenama i dopunama Zakona o Javnom radio-televizijskom sistemu BiH (prva i druga komisijska faza), predlagač: Vijeće ministara BiH;
7. Prijedlog zakona o izmjenama i dopunama Zakona o Javnom radio-televizijskom servisu BiH (prva i druga komisijska faza), predlagač: Vijeće ministara BiH;
8. Prijedlog zakona o izmjenama i dopunama Zakona o komunikacijama (prva i druga komisijska faza), predlagač: Vijeće ministara BiH;
9. Prijedlog zakona o izmjeni i dopunama Zakona o carinskoj politici Bosne i Hercegovine (prva i druga komisijska faza), predlagač: Vijeće ministara BiH;
10. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (prva i druga komisijska faza), predlagač: Vijeće ministara BiH;
11. Prijedlog zakona o zaštiti topografije integriranog kola (prva i druga komisijska faza), predlagač: Vijeće ministara BiH.

Prijedlog zakona o međunarodnom i međuentitetskom drumskom prijevozu razmatran je na sjednici Komisije samo u prvom čitanju dok će razmatranje na sjednici Doma naroda i u drugom čitanju biti u narednom periodu.

Tokom razmatranja u prvoj komisijskoj fazi za sve prijedloge zakona pribavljena su mišljenja Direkcije za evropske integracije BiH u skladu s članom 98. Poslovnika Doma naroda Parlamentarne skupštine BiH.

Za sve prijedloge zakona u prvoj komisijskoj fazi izrađena su i dostavljena mišljenja Domu naroda, a za sve prijedloge zakona razmatrane u drugoj komisijskoj fazi izrađeni su i Domu naroda blagovremeno dostavljeni izvještaji.

Za sve zakone razmatrane u drugom čitanju blagovremeno su obavljene sve aktivnosti u vezi s podnošenjem amandmana, počevši od prijema amandmana, usaglašavanja između podnosilaca te usvajanja zakona u identičnom tekstu.

2. Međunarodni sporazumi

U navedenom periodu ukupno je razmatran 61 međunarodni pravni akt radi davanja prijedloga Domu naroda o odobravanju njihove ratifikacije:

1. Revidirani dopunski sporazum o pružanju tehničke pomoći od strane Međunarodne organizacije za atomsku energiju (IAEA) Bosni i Hercegovini;
2. Sporazum između Vijeća ministara BiH i Vlade Savezne Republike Njemačke o finansijskoj saradnji u 2008. godini;
3. Šesti dodatni protokol na Ustav Svjetskog poštanskog saveza;
4. Sporazum između Ministarstva vanjskih poslova BiH i Federalnog ministarstva evropskih i međunarodnih poslova Republike Austrije o saradnji u oblasti razvoja;
5. Sporazum između Vijeća ministara BiH i Vlade Federativne Republike Brazil o oslobađanju od viza za nosioce diplomatskih, zvaničnih ili službenih pasoša;
6. Ugovor o kreditu za Projekat izgradnje postrojenja za desumporizaciju gorivnih plinova za Termoelektranu „Ugljevik“ između Japanske agencije za međunarodnu saradnju i Bosne i Hercegovine;
7. Ugovor o zajmu i projektu između KfW-a, Frankfurt na Majni, i Bosne i Hercegovine i Republike Srpske i grada Banje Luke - Vodosnabdijevanje i kanalizacija u gradu Banjoj Luci (komponenta 1: Vodosnabdijevanje);
8. Ugovor o finansiranju i projektu između KfW-a, Frankfurt na Majni, i Bosne i Hercegovine i Republike Srpske i grada Banje Luke - Gradski sistem vodosnabdijevanja i odvođenja otpadnih voda u gradu Banjoj Luci (komponenta 2: Sistemi za odvođenje otpadnih voda);
9. Sporazum o zajmu između Bosne i Hercegovine, koju predstavlja Ministarstvo finansija i trezora BiH, i Mađarske izvozno-uvozne banke za projekat „Tretman otpadnih voda u općini Tuzla“;
10. Sporazum između Bosne i Hercegovine i Češke Republike o izbjegavanju dvostrukog oporezivanja i sprečavanju utaje poreza u odnosu na poreze na dohodak i imovinu;
11. Amandman na Ustav Međunarodne organizacije rada iz 1997. godine;
12. Protokol između Vijeća ministara BiH i Vlade Kraljevine Saudijske Arabije o međusobnoj zamjeni nekretnina - zemljišta za izgradnju diplomatskih predstavništava u Sarajevu i Rijadu

13. Sporazum između Vijeća ministara BiH i Vlade Republike Moldavije o uzajamnom ukidanju viznog režima za nosioce diplomatskih i službenih pasoša;
14. Ugovor između Bosne i Hercegovine i Republike Slovenije o pravnoj pomoći u građanskim i krivičnim stvarima;
15. Kreditni sporazum između Bosne i Hercegovine i Kuvajtskog fonda za arapski ekonomski razvoj – projekat „Autoput Kakanj - Donja Gračanica“;
16. Sporazum o zračnom saobraćaju između Vijeća ministara BiH i Vlade Arapske Republike Egipat;
17. Sporazum o zračnom saobraćaju između Bosne i Hercegovine i Sirijske Arapske Republike;
18. Sporazum o zajmu između Bosne i Hercegovine i Evropske banke za obnovu i razvoj za projekat „Mahovljanska petlja“;
19. Sporazum o finansiranju i projektu između KfW-a, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i Općine Bihać, Agencija za izvođenje projekta „Prikupljanje i tretman otpadnih voda“, Bihać;
20. Sporazum o zajmu (Projekat poboljšanja životnih uslova na selu) između Bosne i Hercegovine i Međunarodnog fonda za poljoprivredni razvoj;
21. Sporazum između Vijeća ministara BiH i Vlade Crne Gore o prijevozu putnika i tereta u međunarodnom drumskom saobraćaju;
22. Sporazum o zračnom saobraćaju između Vijeća ministara BiH i Vlade Ruske Federacije;
23. Sporazum između Bosne i Hercegovine i Republike Indije o međusobnoj pravnoj pomoći u krivičnim stvarima;
24. Memorandum o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država u vezi sa saradnjom u radu Centra za obuku za operacije podrške miru u Bosni i Hercegovini;
25. Sporazum o finansiranju između Bosne i Hercegovine i Komisije Evropskih zajednica u vezi s multikorisničkim programom 2B za projekte koji zahtijevaju sporazum o finansiranju u okviru Instrumenta za pretpristupnu pomoć u 2008. godini;
26. Sporazum o finansiranju između BiH i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja u okviru Instrumenta za pretpristupnu pomoć u 2008. godini;
27. Sporazum o finansiranju između Bosne i Hercegovine i Evropske investicione banke – kredit Investiciono-razvojne banke Republike Srpske za mala i srednja preduzeća;
28. Sporazum o kreditu između Bosne i Hercegovine i Međunarodne banke za obnovu i razvoj (IBRD) – Poboljšanje pristupa finansijskim projektima za mala i srednja preduzeća;

29. Sporazum između Bosne i Hercegovine i Republike Hrvatske o izmjenama Sporazuma o međusobnom izvršavanju sudskih odluka u krivičnim stvarima;
30. Ugovor između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima;
31. Konvencija o zabrani kasetne municije, Oslo, 3.12.2008.;
32. Sporazum o vojnom grantu između Vijeća ministara BiH i Vlade Republike Turske, Provedbenog protokola o finansijskoj pomoći između Ministarstva odbrane BiH i Generalštaba Republike Turske i Logističkog provedbenog protokola između Ministarstva odbrane BiH i Generalštaba Republike Turske;
33. Ugovor između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga BiH;
34. Sporazum o finansiranju i Projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar (EPHZHB) za projekat „Dopunske mjere za Vjetroelektranu 'Mesihovina““
35. Sporazum o zajmu i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d. d. Mostar za projekat „Vjetroelektrana 'Mesihovina““;
36. Sporazum o kreditu između Bosne i Hercegovine i Evropske banke za obnovu i razvoj – Projekat plinifikacije Srednjobosanskog kantona;
37. Protokol o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992. godine;
38. Evropska povelja o regionalnim i manjinskim jezicima, Strazbur, 5. novembra 1992.;
39. Sporazum između Vijeća ministara BiH i Vlade Republike Francuske o saradnji u oblasti unutrašnje sigurnosti;
40. Evropska konvencija o zaštiti arheološke baštine, usvojena u Londonu, 6. maja 1969.;
41. Sporazum o zajmu između Bosne i Hercegovine i Međunarodne banke za obnovu i razvoj - Projekat za otpadne vode u Sarajevu;
42. Sporazum o zajmu između Bosne i Hercegovine i OPEC-ovog Fonda za međunarodni razvoj – Projekat unapređenja uslova života na selu;
43. Ugovor između Bosne i Hercegovine i Kraljevine Španije o izbjegavanju dvostrukog oporezivanja i sprečavanju fiskalne utaje u odnosu na poreze na dohodak i imovinu
44. Ugovor o garanciji za Kreditnu liniju Agenciji za osiguranje depozita Bosne i Hercegovine između Bosne i Hercegovine i Evropske banke za obnovu i razvoj;
45. Konvencija o Centru za provođenje zakona u Jugoistočnoj Evropi, Bukurešt, 9.12.2009.;
46. Sporazum između Vijeća ministara BiH i Vlade Republike Turske o saradnji u oblasti zdravstva;
47. Sporazum o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Češke Republike;

48. Sporazum između Vijeća ministara BiH i Vlade Republike Srbije u oblasti obrazovanja, kulture i sporta;
49. Sporazum između Bosne i Hercegovine i Češke Republike o razmjeni i obostranoj zaštiti tajnih podataka;
50. Ugovor između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima;
51. Sporazum o finansiranju između Bosne i Hercegovine i Međunarodne asocijacije za razvoj – Prvo programsko finansiranje za razvojne politike javne potrošnje;
52. Sporazum o zajmu između Bosne i Hercegovine i Međunarodne banke za obnovu i razvoj – Prvi programski zajam za razvojne politike javne potrošnje;
53. Sporazum o finansiranju između Bosne i Hercegovine i Međunarodne asocijacije za razvoj – Projekat podrške mrežama socijalne sigurnosti i zapošljavanju;
54. Sporazum o kreditu između Bosne i Hercegovine, koju zastupa Ministarstvo finansija i trezora, i Raiffeisen Zentralbank Österreich Aktiengesellschaft za projekat „Izgradnja nove bolnice u Bijeljini“;
55. Sporazum između Vijeća ministara BiH i Vlade Federativne Republike Brazil o djelimičnom ukidanju viza;
56. Sporazum između Vijeća ministara BiH i Vlade Arapske Republike Egipat o uzajamnom ukidanju viza za nosioce diplomatskih, službenih i specijalnih pasoša;
57. Statut Međunarodne agencije za obnovljivu energiju (IRENA);
58. Sporazum o saradnji u oblasti turizma između Vijeća ministara BiH i Vlade Crne Gore;
59. Sporazum između Bosne i Hercegovine i Narodne Demokratske Republike Alžir o izbjegavanju dvostrukog oporezivanja i sprečavanju fiskalne evazije u odnosu na poreze na dohodak i imovinu;
60. Sporazum o zračnom saobraćaju između Vijeća ministara BiH i Vlade Republike Indije;
61. Protokol između Vijeća ministara BiH i Vlade Republike Estonije o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole (Provedbeni protokol).

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su, osim u nekoliko rijetkih slučajeva, prisustvovali sjednicama Komisije.

Za sve međunarodne ugovore razmatrane na sjednicama Komisije izrađeni su i blagovremeno dostavljeni Domu naroda izvještaji s prijedlogom Komisije za davanja saglasnosti za ratifikaciju.

3. Komisija je na sjednicama razmatrala i sljedeće materijale iz svoje nadležnosti:

1. Izvještaji o radu

U toku 2010. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Vijeća ministara BiH za 2009. godinu;
2. Izvještaj o radu i finansijski izvještaj Agencije za poštanski saobraćaj BiH za 2009. godinu;
3. Izvještaj o radu i poslovanju BHRT-a za 2009. godinu;
4. Izvještaj o radu Državne regulatorne komisije za električnu energiju u 2009. godini;
5. Izvještaj o radu Upravnog odbora Izvožno-kreditne agencije BiH za 2009. godinu;
6. Izvještaj o aktivnostima na projektu „Autoput na Koridoru Vc“ i Plana narednih aktivnosti;
7. Prijedlog mjera Vijeća ministara BiH za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine;
8. Izvještaj Delegacije Parlamentarne skupštine BiH pri Parlamentarnoj skupštini Vijeća Evrope o aktivnostima Vijeća Evrope u 2009. godini.

Nakon rasprave u Komisiji, Domu naroda dostavljena su mišljenja o svim navedenim izvještajima.

1.2. Imenovanja

U izvještajnom periodu Komisija je razmatrala i jedan prijedlog za imenovanje u slučaju kada je Parlamentarna skupština BiH nadležna za imenovanja:

1. Razmatranje rang-liste kandidata za člana Upravnog odbora Javnog radio-televizijskog servisa Bosne i Hercegovine iz hrvatskog naroda.

1.3. Izvještaji i informacije Ministarstva vanjskih poslova BiH

S obzirom na svoju nadležnost i u oblasti vanjskih poslova, Komisija na svojim sjednicama redovno razmatra informacije i izvještaje koje Ministarstvo vanjskih poslova BiH dostavlja Parlamentarnoj skupštini BiH. U izvještajnom periodu Komisija je razmatrala ukupno 47 informacija i dopisa Ministarstva vanjskih poslova BiH. Sjednicama Komisije na kojima su razmatrane ove informacije prisustvovali su predstavnici Ministarstva vanjskih poslova BiH i dodatno ih obrazlagali, u zavisnosti od interesiranja članova Komisije. Sve informacije primljene su k znanju.

1.4. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrano je ukupno 16 izvještaja sa službenih putovanja parlamentarnih komisija i delegacija. Sve navedene izvještaje Komisija je primila k znanju.

1.5. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Dopunjeni orijentacioni plan rada Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH za 2009. godinu;
2. Godišnji izvještaj Ministarstva vanjskih poslova BiH o zaključenim međunarodnim ugovorima i stanju međunarodnih ugovora koji su u postupku ratifikacije;
3. Dopis Upravnog odbora Radio-televizije BiH u vezi sa isključenjem srednjotalasnog odašiljača u Donjem Moštru (na osnovu zaduženja Kolegija Doma naroda PSBiH, broj: 02-50-1-17-40-5/10, od 30.3.2010.);
4. Zahtjev delegata Slobodana Šarabe za razmatranje tačke dnevnog reda na sjednici Doma naroda: Utvrđivanje smjernica za djelovanje privremenih delegacija koje u ime BiH učestvuju na međunarodnim skupovima (zaduženje Kolegija Doma naroda, broj: 02-50-1-117-42-8/10, od 28.5.2010.);
5. Dopis UOBHRT-a po zaključku Komisije za vanjsku i trgovinsku politiku, carine, saobraćaj i komunikacije Doma naroda s 41. sjednice, održane 10.5.2010.;
6. Dopis preduzeća Globtour, Međugorje, broj: 02-29-117/10, od 18.1.2010. (na osnovu zaduženja Kolegija Doma naroda PSBiH, broj: 02-50-1-17-39-6/10, od 16.2.2010.);
7. Dopis Upravnog odbora Radio-televizije Bosne i Hercegovine, broj: 01.02-29-199/10, od 28.1.2010. (na osnovu zaduženja Kolegija Doma naroda PSBiH, broj: 02-50-1-17-39-7/10, od 16.2.2010.).

Nakon razmatranja na sjednicama Komisije, pripremljeni su i Kolegiju Doma naroda odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

4. Ostale aktivnosti Komisije

Osim redovnih sjednica Komisije, u 2010. godini održana su i dva sastanka na kojima su učestvovali i članovi Komisije za vanjsku i trgovinsku politiku, carine, saobraćaj i komunikacije Doma naroda:

1. Zajednički sastanak Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH i Komisije za vanjske poslove Predstavničkog doma Parlamentarne skupštine BiH s novoimenovanim šefovima diplomatsko-konzularnih predstavništava BiH, 24.2.2010.
2. Sastanak članova Kolegija Doma naroda, Komisije za vanjske poslove Predstavničkog doma i Komisije za vanjsku i trgovinsku politiku, carine, saobraćaj i komunikacije Doma naroda s delegacijom Komisije za vanjske poslove Donjeg doma Parlamenta Republike Italije, 3.3.2010.

III. ZAKLJUČAK

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2010. godini bio uspješan. Rad Komisije je u najvećoj mjeri zavisio od materijala koje je dostavilo Vijeće ministara BiH, odnosno Predsjedništvo BiH. Svi materijali iz nadležnosti Komisije blagovremeno su razmatrani, a svi izvještaji, mišljenja i drugi akti blagovremeno su dostavljani predsjedavajućem, odnosno Kolegiju Doma naroda na daljnji postupak. Prisustvo sjednicama bilo je na zadovoljavajućem nivou te nijedna sjednica nije otkazana ili odgođena zbog nedostatka kvoruma. Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije. Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH značajno je doprinijela uspješnom radu Doma naroda.

Predsjedavajući Komisije
za vanjsku i trgovinsku politiku
carine, saobraćaj i komunikacije

Hasan Bećirović

Prilog:

- Tabela prikaz prisustva sjednicama

**TABELARNI PRIKAZ DATUMA ODRŽAVANJA SJEDNICA
KOMISIJE ZA VANJSKU I TRGOVINSKU POLITIKU,
CARINE, SAOBRAĆAJ I KOMUNIKACIJE, S PRIKAZOM PRISUSTVA SJEDNICAMA
(za period od 1.1. do 31.12.2010.)**

	Alma Čolo	Božo Ljubić	Dušanka Majkić	Adem Ibrahimpasić	Branko Zrno	Slobodan Šaraba	Ukupno
37. sjednica 18.1.	+	+	-	+	+	+	5
38. sjednica 11.2.	+	+	-	+	+	+	5
39. sjednica 17.3.	+	-	+	+	+	+	5
40. sjednica 30.3.	+	-	-	+	+	+	4
41. sjednica 10.5.	+	-	-	+	+	+	4
42. sjednica 23.6.	-	+	-	+	+	+	4
43. sjednica 12.7.	+	+	-	+	+	+	5
44. sjednica 27.7.	+	-	-	+	+	+	4
45. sjednica 29.7.	+	+	-	+	+	+	5
46. sjednica 30.8.	+	-	-	+	+	+	4
Ukupno	9/10	5/10	1/10	10/10	10/10	10/10	45/60
%	90	50	10	100	100	100	75